

## Canllawiau Gweinyddu a Sgorio ACE-III Cymraeg – 2012

Prawf gwybyddol byr yw'r Archwiliad Gwybyddol Addenbrooke-III (ACE-III) sy'n asesu pum parth gwybyddol: sylw, cof, rhuglder llafar, iaith a gallu gweledol-ofodol. Mae'r ACE-III yn cymryd lle'r Archwiliad Gwybyddol Addenbrooke-Diwygiedig (ACE-R) a gafodd ei ddatblygu gan Ymchwil Niwrowyddoniaeth Awstralia (NeuRA; [www.neura.edu.au](http://www.neura.edu.au)). Y cyfanswm sgôr yw 100 gyda sgôr uchel yn dangos gwell gweithredu gwybyddol. Ar gyfartaledd, mae'n cymryd 15 munud i gynnal y prawf ACE-III, a tua 5 munud i sgorio.

Crëwyd y cyfarwyddiadau hyn i wneud y cwestiynau a'r broses o'u sgorio yn gliriach i'r profwr. Darllenwch nhw yn ofalus cyn rhoi'r prawf. Os yn bosibl, gadewch y sgorio tan ddiwedd y prawf, gan na fydd modd i'r cyfranogwr weld os mai ticio am atebion cywir neu roi croes am atebion anghywir y mae'r profwr. Gallai hyn osgoi creu pryder, sy'n gallu amharu ar berfformiad y cyfranogwr yn y prawf.

Er mwyn lawrlwytho'r ACE-III, a chael y wybodaeth ddiweddaraf am gyhoeddiadau a chyfieithiadau iaith, ewch i'r wefan ganlynol: <http://www.neura.edu.au/frontier/research>

### SYLW – Synnwyr o le ac amser – sgôr 0 i 10

**Dull Gweinyddu:** Gofynnwch i'r unigolyn beth yw'r diwrnod, dyddiad, mis, blwyddyn, tymor yn ogystal â beth yw enw'r ysbyty (neu adeilad, neu rif os mai cyfeiriad ydyw), llawr (neu ystafell, neu stryd os mai cyfeiriad ydyw), tref, sir a gwlad.

**Sgorio:** Sgoriwch 1 pwynt am bob ateb cywir. Caniateir camgymeriad o  $\pm 2$  ddiwrnod gyda'r dyddiad (e.e., 5ed pan mai 7fed yw'r dyddiad). Os yw'r cyfranogwr yn dweud 23ain o'r 3ydd, dylid ei annog i ddweud enw'r mis. Os yw'r unigolyn adref, gofynnwch am enw'r lle, fel enw'r fflatiau/cartref henoed ac am rif y llawr, gallech ofyn am enw'r ystafell (e.e., cegin, ystafell fyw, etc). Os ydych mewn lleoliad iechyd un llawr, gallech holi ynghylch adeilad lleol enwog. Pan fydd y tymor yn newid (e.e., ar ddiwedd Awst) ac mae'r unigolyn yn dweud "Hydref" gofynnwch, "allai o fod yn dymor arall?" Os mai'r ateb yw "Haf", rhwch 1 pwynt gan fod y tymhorau yn newid o un i'r llall. Peidiwch â rhoi pwynt os mai "Gaeaf" neu "Gwanwyn" yw'r ateb.

*Tymhorau:* Gwanwyn – Mawrth, Ebrill, Mai; Haf – Mehefin, Gorffennaf, Awst; Hydref – Medi, Hydref, Tachwedd; Gaeaf – Rhagfyr, Ionawr, Chwefror.

Ar gyfer cleifion mud: Caniatewch i'r claf ysgrifennu ei atebion ar bapur, os nad yw'n gallu ymateb ar lafar.

### SYLW – Cofrestru 3 eitem – sgôr 0 i 3

**Dull Gweinyddu:** Gofynnwch i'r unigolyn ailadrodd a chofio tri gair. Siaradwch yn araf. Gallwch ailadrodd y geiriau os oes angen, ond dim ond hyd at dair gwaith. Dywedwch wrth yr unigolyn y byddwch yn gofyn am y wybodaeth hon yn nes ymlaen.

**Sgorio:** Sgoriwch y cynnig cyntaf yn unig. Nodwch sawl cynnig mae'n ei gymryd i ddysgu'r tri gair.

### SYLW – Tynnu 7 Cyfresol – sgôr 0 i 5

**Dull Gweinyddu:** Gofynnwch i'r unigolyn dynnu 7 o 100, nodwch yr ateb, yna gofynnwch i'r unigolyn barhau i dynnu 7 o bob rhif newydd nes i chi ddweud wrthynt am stopio. Stopiwch yr unigolyn ar ôl tynnu 5 gwaith.

**Sgorio:** Nodwch yr ymatebion a pheidiwch â stopio'r unigolyn os yw'n gwneud camgymeriad. Gadewch iddynt barhau a gwiriwch yr atebion dilynol er mwyn sgorio (e.e., 92, **85**, 79, **72**, **65** – sgôr = 3).

### COF – Cofio 3 eitem – sgôr 0 i 3

**Dull Gweinyddu:** Gofynnwch i'r unigolyn geisio cofio'r geiriau wnaethoch chi ofyn iddynt eu hailadrodd a'u cofio yn gynharach.

**Sgorio:** Nodwch yr ymatebion a sgorio 1 pwynt am bob eitem gywir. Peidiwch ag annog yr unigolyn.

**RHUGLDER LLAFAR – Llythyren a Chategori – sgôr 0 i 14****Llythrennau - sgôr 0 i 7**

**Dull Gweinyddu:** Dywedwch wrth yr unigolyn: *“Rwy am roi llythyren o’r wyddor i chi a rwy eisiau i chi gynnig cymaint o eiriau ag y gallwch sy’n dechrau gyda’r llythyren honno, ond nid enwau pobl na lleoedd. Er enghraifft, os ydw i’n rhoi’r llythyren “C” i chi, fe allech chi roi geiriau i mi fel “cath, crio, cloc”, ac yn y blaen. Ond, allwch chi ddim rhoi geiriau fel Catrin neu Canada. Ydych chi’n deall? Ydych chi’n barod? Mae gennych chi un munud. Y llythyren rwy am i chi ei defnyddio ydi “B”.*

**Sgorio:** Yn gyntaf, nodwch gyfanswm y geiriau mae’r unigolyn wedi meddwl amdanynt. Yna, cyfrifwch gyfanswm nifer y geiriau cywir, sydd ddim yn cynnwys: (1) geiriau wedi eu hailadrodd, (2) amrywiadau ar yr un gair (e.e., bwyta, bwytaodd, bwytais - sgôr = 1), (3) ymwithiadau (h.y. geiriau sy’n dechrau gyda llythrennau gwahanol), (4) enwau priod (h.y. enwau pobl a lleoedd) ac (5) lluosogion (e.e. bin, biniau - cyfanswm = 2, cywir = 1). Defnyddiwch y tabl sydd ar y daflen ACE-III i gyfrifo’r sgôr terfynol ar gyfer y prawf hwn.

**Anifeiliaid – sgôr 0 i 7**

**Dull Gweinyddu:** Dywedwch wrth yr unigolyn: *“Nawr allwch chi enwi gymaint o anifeiliaid â phosib? Fe allan ddechrau gydag unrhyw lythyren.”*

**Sgorio:** Unwaith eto, nodwch gyfanswm y nifer o anifeiliaid mae’r unigolyn yn ei ddweud. Yna, cyfrifwch gyfanswm nifer y geiriau cywir, sydd ddim yn cynnwys categorïau manylach pan fydd enghreifftiau penodol yn cael eu rhoi (e.e. “pysgod” wedi ei ddilyn gan “eog” a “brithyll” - cyfanswm = 3; cywir = 2). Derbynnir pob mathau o anifeiliaid, gan gynnwys pryfed, bodau dynol, cynhanesyddol, diflanedig a chreaduriaid mytholegol (e.e. unicorn). Os yw’r unigolyn yn camddeall y cyfarwyddiadau ac yn enwi anifeiliaid sy’n dechrau gyda’r llythyren “b” (e.e. blaidd, buwch, brithyll etc), yna eglurwch eto dylent enwi anifeiliaid sy’n dechrau gydag unrhyw lythyren.

**COF – Cof Anterograd – Enw a Chyfeiriad – sgôr 0 i 7**

**Dull Gweinyddu:** Rhewch gyfarwyddiadau i’r unigolyn: *“Rwy am roi enw a chyfeiriad i chi ac rwy eisiau i chi ailadrodd yr enw a’r cyfeiriad ar fy ôl i. Er mwyn i chi gael cyfle i’w dysgu, fe fyddai’n gwneud hyn dair gwaith. Fe fyddai’n gofyn i chi am yr enw a’r cyfeiriad yn nes ymlaen.”* Os yw’r unigolyn yn dechrau ailadrodd gyda chi, gofynnwch iddynt aros nes y byddwch wedi rhoi’r enw a’r cyfeiriad yn llawn iddynt.

**Sgorio:** Nodwch ymatebion pob cynnig ond dim ond ymatebion y trydydd cynnig fydd yn cyfrannu at sgôr yr ACE-III (0-7pwynt)

**COF – Cof Ôl-Redol – Enwogion – sgôr 0 i 4**

**Dull Gweinyddu:** Gofynnwch i’r unigolyn enwi’r Prif Weinidog ar hyn o bryd, enw’r wraig oedd yn Brif Weinidog, enw arlywydd Unol Daleithiau America ac enw arlywydd Unol Daleithiau America a gafodd ei lofruddio yn yr 1960au.

**Sgorio:** Sgoriwch 1 pwynt am bob un. Derbyniwch gyfenwau (e.e., “Cameron” neu “Jones”) a gofynnwch am y cyfenw os mai’r enw cyntaf yn unig a roddir (e.e., “Maggie”). Os yw’r enw llawn a roddir yn anghywir (e.e., “June Thatcher”), yna’r sgôr fyddai 0. Os oes newid wedi bod o ran yr arweinyddion yn ddiweddar, dylid annog yr unigolyn i roi enw’r gwleidydd sy’n gadael.

**IAITH – Dealltwriaeth – sgôr 0 i 3**

**Dull Gweinyddu:** Rhewch bensil a darn o bapur o flaen yr unigolyn. Fel prawf ymarfer, dywedwch *“codwch y bensil ac wedyn y papur.”* Os yn anghywir, sgoriwch 0 a pheidiwch â pharhau. Fel arall, ewch ymlaen gyda’r tri gorchymyn arall sydd wedi eu rhestru ar y protocol. Gosodwch y bensil a’r papur o flaen yr unigolyn cyn pob gorchymyn.

**Sgorio:** Rhoddir sgôr o 1 am bob gorchymyn sy’n cael ei gwblhau’n gywir.

**IAITH – Ysgrifennu Brawddegau – sgôr 0 i 2**

**Dull Gweinyddu:** Gofynnwch i'r unigolyn ysgrifennu o leiaf dwy frawddeg am wyliau / penwythnos / neu ei Nadolig diwethaf. Gofynnwch i'r unigolyn ysgrifennu brawddegau llawn (h.y. ni ddylid ysgrifennu ar ffurf pwyntiau) heb ddefnyddio talfyriadau (e.e., "a.y.y.b.").

**Sgorio:** Rhowch 1 pwynt os oes o leiaf dwy frawddeg am yr un pwnc, a rhowch 1 pwynt arall os yw'r gramadeg a'r sillafu'n gywir.

<b>Sgôr = 1</b>	
<p>Rydw i wedi treulio Nadolig efo fy nheulu y llynedd.</p> <p>Roedd y tywydd yn oer a bwrw eira.</p>	<p>Anghywir yn ramadegol</p>
<p>Es i a fy nheulu i Lundain ym mis Mawrth.</p> <p>Dwi'n darllen bob nos cyn cysgu.</p>	<p>Nid yw'r brawddegau yn trafod yr un pwnc</p>
<p>Pan aethom ni i Sbaen ar wiliau ac roedd yn hyfryd.</p> <p>Aethom am dro ar hud y traeth ar y nos.</p>	<p>Gramadeg a'r sillafu yn anghywir ond maent yn trafod yr un pwnc</p>
<b>Sgôr = 0</b>	
<p>Tywidd Heulog</p>	

**IAITH – Ailadrodd Gair Unigol – sgôr 0 i 2**

**Dull Gweinyddu:** Gofynnwch i'r unigolyn ailadrodd pob gair ar eich hôl, gan adrodd un gair ar y tro.

**Sgorio:** Dylid sgorio'r cynnig cyntaf yn unig. Sgoriwch 2 os bydd y cyfan yn gywir; 1 os bydd 3 yn gywir; 0 os bydd 2 neu lai'n gywir.

**IAITH – Ailadrodd Diarhebion – sgôr 0 i 2**

**Dull Gweinyddu:** Gofynnwch i'r unigolyn ailadrodd pob dihareb.

**Sgorio:** Peidiwch â derbyn ymatebion sy'n rhannol gywir (e.e., nid yw popeth melyn yn aur"). Sgoriwch 1 pwynt am bob dihareb.

*Sylwer:* Ar ôl ailadrodd pob dihareb, efallai y bydd yr arholwr eisiau gofyn i'r unigolyn "Beth mae'r ddihareb yma'n ei olygu?" neu "Sut fydddech chi'n disgrifio'r ddihareb hon i rywun sydd ddim wedi ei chlywed o'r blaen?" Gall y mesur ychwanegol fod o gymorth i'r clinigwr yn yr asesiad ansoddol o feddwl yn haniaethol ar lafar.

### IAITH – Enwi Gwrthrychau – sgôr 0 i 12

**Dull Gweinyddu:** Gofynnwch i'r unigolyn enwi pob llun.

**Sgorio:** Yr atebion cywir yw: llwy; llyfr; pengwin; angor; camel; casgen; coron; crocodeil neu aligator; telyn; rhinoseros neu rhino; cangarŵ neu walabi; piano-acordion neu acordion. Sgoriwch 1 pwynt am bob eitem.

### IAITH – Dealltwriaeth – sgôr 0 i 4

**Dull Gweinyddu:** Gofynnwch i'r unigolyn bwyntio at y lluniau yn ôl yr hyn sy'n cael ei ddarllen. Peidiwch â rhoi unrhyw adborth ynglŷn ag ystyr y geiriau.

**Sgorio:** Sgoriwch 1 pwynt am bob eitem. Caniateir hunan-gywiro.

### IAITH – Darllen – sgôr 0 neu 1

**Dull Gweinyddu:** Gofynnwch i'r unigolyn ddarllen y geiriau ar lafar.


**Sgorio:** Sgoriwch 1 pwynt os yw'r geiriau i gyd wedi eu darllen yn gywir. Nodwch y camgymeriadau gan ddefnyddio'r wyddor seinegol, os yn bosib.

### GALLU GWELEDOL-OFODOL – Dolenni Diderfyn Croestorri – sgôr 0 neu 1


**Dull Gweinyddu:** Gofynnwch i'r unigolyn gopïo'r dolenni diderfyn croestorri.

**Sgorio:** Rhoddir sgôr o 1 os tynnir llun dwy ddolen ddiderfyn a'u bod yn gorgyffwrdd. Rhaid i'r ddwy ddolen ddiderfyn ddod at bwynt/croesfan ac ni ddylent edrych fel cylchoedd.

**Sgôr = 0**



**Sgôr = 1**




### GALLU GWELEDOL-OFODOL – Ymylon Ciwb 3D – sgôr 0 i 2


**Dull Gweinyddu:** Gofynnwch i'r unigolyn gopïo'r ymylon ciwb 3D.

**Sgorio:** Dylai bod gan y ciwb 12 llinell i sgorio 2 bwynt, hyd yn oed os nad yw'r cyfrannedd yn berffaith. Rhoddir sgôr o 1 os oes gan y ciwb lai na 12 llinell ond, ar y cyfan, bod siâp ciwb wedi ei ffurfio.

**Sgôr = 1**



**Sgôr = 2**



### GALLU GWELEDOL-OFODOL – Cloc – sgôr 0 i 5

**Dull Gweinyddu:** Gofynnwch i'r unigolyn dynnu llun wyneb cloc gyda rhifau arno. Ar ôl iddo/iddi orffen, gofynnwch iddynt roi'r bysedd ar "ddeg munud wedi pump". Os nad yw'r unigolyn yn hapus gyda'r llun cyntaf ac yn awyddus i drio eto, gallwch ganiatáu hynny a sgorio'r ail gloc. Gall unigolion gywiro eu camgymeriadau drwy eu dileu wrth dynnu'r llun.

**Sgorio:** Defnyddir y meini prawf sgorio canlynol i roi cyfanswm o 5 pwynt.

<b>Cylch</b>	Uchafswm o 1 pwynt os yw'n gylch derbyniol
<b>Rhifau</b>	2 pwynt os yw'r rhifau i gyd wedi eu cynnwys o fewn y cylch ac os ydynt wedi eu gwasgaru yn gyfartal. 1 pwynt os yw'r rhifau i gyd wedi eu cynnwys ond mae'r rhifau un ai tu allan i'r cylch neu ddim wedi eu gwasgaru'n gyfartal. 0 pwynt os nad yw'r rhifau i gyd wedi eu cynnwys
<b>Bysedd</b>	2 bwynt os yw'r ddau fys wedi eu llunio'n dda, hyd gwahanol ac wedi eu gosod ar y rhifau cywir (gallwch ofyn pa un yw'r un mawr a'r un bach) 1 pwynt os yw'r ddau fys wedi eu gosod ar y rhifau cywir ond bod eu hyd yn anghywir NEU 1 pwynt os mai un bys sydd wedi ei osod ar y rhif cywir ac yr hyd cywir NEU 1 pwynt os mai un bys yn unig sydd wedi ei lunio a'i osod ar y rhif cywir, h.y. 5 am 'ddeng munud wedi pump'

## Sgôr 2

Cylch (1); un bys wedi ei osod ar y rhif cywir (1)




Cylch (1); rhifau i gyd yno ond ddim o fewn y cylch (1)



## Sgôr 3


Cylch (1); rhifau i gyd yno ond heb gael eu gwasgaru'n hafal (1); un bys wedi ei osod ar y rhif cywir (1)



Cylch (1); rhifau i gyd yno ond ddim o fewn y cylch (1); un bys wedi ei osod ar y rhif cywir (1)



Cylch (1); nid yw'r rhifau o fewn y cylch ac mae 2 rif 10 (0); bysedd wedi eu gosod yn gywir (2)



#### Sgôr 4

Cylch (1); rhifau wedi eu gosod yn hafal (2); un bys wedi ei osod yn gywir (1)



Cylch (1); rhifau i gyd yno ond heb eu gosod yn hafal (1); y ddau fys wedi eu gosod yn gywir (2)




Cylch (1); rhifau wedi eu gosod yn hafal (2); un bys wedi ei osod yn gywir (1)



#### Sgôr 5

Cylch (1); rhifau wedi eu gosod yn hafal ar ddwy ochr wyneb y cloc (2); bysedd wedi eu gosod yn gywir (2)



#### GALLU CANFYDDIADOL – Cyfrif Dotiau – sgôr 0 i 4

**Dull Gweinyddu:** Gofynnwch i'r unigolyn sawl dot sydd ym mhob sgwâr. Nid oes gan yr unigolyn yr hawl i bwyntio atynt.

**Sgorio:** Sgoriwch 1 pwynt am bob ateb cywir. Atebion cywir: 8, 10, 9 a 7.

#### GALLU CANFYDDIADOL – Adnabod Llythrennau – sgôr 0 i 4

**Dull Gweinyddu:** Gofynnwch i'r unigolyn adnabod y llythyren ym mhob boc. Gall yr unigolyn bwyntio os yw'n dymuno.

**Sgorio:** Sgoriwch 1 pwynt am bob ateb cywir. Atebion cywir: K, M, T ac A.

Ar gyfer cleifion mud: Os nad yw'r unigolyn yn gallu dweud ar lafar sawl dot sydd yn y sgwariau neu enw'r llythyren, gadewch iddynt ysgrifennu eu hateb. Ar gyfer y llythyren, gadewch iddynt wneud sŵn cywir y llythyren (e.e., “mmm”).

#### COF – Cofio Enw a Chyfeiriad – sgôr 0 i 7

**Dull Gweinyddu:** Dywedwch wrth yr unigolyn: “Nawr dywedwch beth ydych chi'n ei gofio am yr enw a'r cyfeiriad yr oedden ni'n eu hailadrodd ar y dechrau”

**Sgorio:** Sgoriwch 1 pwynt am bob eitem gywir, gan ddefnyddio'r canllaw sgorio a ddarperir yn y prawf.

Harri Pritchard  
73 Stryd y Berllan  
Bontgoch  
Gwynedd

**Enghraifft: 1a**

Harri Bryn	1 + 0	
78 Stryd y Berllan	0 + 1 + 1	
Bontbren	0	
....	0	<b>Sgôr 3/7</b>

**Enghraifft: 2a**

Harri Pritchard	1 + 1	
73 Stryd Bontbren	1 + 1 + 0	
....	0	
Gwynedd	1	<b>Sgôr 5/7</b>

**Enghraifft: 3a**

Harri Bryn	1 + 0	
33 Ffordd y Waen	0 + 0 + 0	
Stryd Bontbren	0 + 0	
Aberystwyth	0	
Gwynedd	1	<b>Sgôr 2/7</b>

**COF – Cofio Enw a Chyfeiriad – sgôr 0 i 5**

**Dull Gweinyddu:** Rhoddir yr prawf hwn i unigolion os ydynt wedi methu cofio un neu ragor o'r eitemau yn y prawf cofio. Gwneir y dasg hon er mwyn rhoi cyfle i'r unigolion adnabod eitemau na wnaethant lwyddo i'w cofio. Os cofiwyd holl eitemau'r enw a'r cyfeiriad yna ni fydd angen gwneud y prawf hwn ac mae'r unigolyn yn sgorio 5 yn awtomatig. Er hynny, dim ond rhannau o'r enw a'r cyfeiriad y bydd nifer o unigolion yn eu cofio. Yn gyntaf, ticiwch yr eitemau a gofiwyd yn y golofn dywyll (ochr dde) yna dywedwch wrth yr unigolyn, "Gadewch i mi roi ambell awgrym i chi. Ai a, b neu c oedd o?" ac yn y blaen.

**Sgorio:** Mae pob eitem sy'n cael ei hadnabod yn sgorio 1 pwynt. Adiwhch yr eitemau a gofiwyd ac a gafodd eu hadnabod i roi cyfanswm o 5 pwynt am y prawf hwn.

**Enghraifft 1b (yn seiliedig ar enghraifft 1a)**

Mae'r profwr yn ticio "Stryd y Berllan" yn y golofn dywyll ar yr ochr dde gan fod yr unigolyn wedi cofio'r eitem honno. Yna dylai'r profwr holi:	Ateb yr unigolyn:	
- Ai Derri Pritchard, Harri Pritchard neu Harri Roberts oedd yr enw?	Harri Pritchard	1
- Ai 37, 73 neu 76 oedd y rhif?	76	0
- Ai Nant y Deri, Bontgoch neu Dolgarrog oedd y lle?	Bontgoch	1
- Ai Gwynedd, Gwent neu Conwy oedd y sir?	Conwy	0
		+ 1 (Stryd y Berllan)
		<b>Sgôr 3/5</b>

**Enghraifft 2b (yn seiliedig ar enghraifft 2a)**

Mae'r profwr yn ticio "Harri Pritchard", "73" a "Gwynedd" yn y golofn dywyll ar yr ochr dde gan fod yr unigolyn wedi cofio'r eitemau hyn. Yna dylai'r profwr holi:	Ateb yr unigolyn:	
- Oedd o ar Heol y Berllan, Stryd y Deri neu Stryd y Berllan?	Stryd y Berllan	1
- Ai Nantyderi, Bontgoch neu Dolgarrog oedd y lle?	Bontgoch	1
		+ 3 (Harri Pritchard, 73, Gwynedd)
		<b>Sgôr 5/5</b>

**Enghraifft 3b (yn seiliedig ar enghraifft 3a)**

Mae'r profwr yn ticio "Gwynedd" yn y golofn dywyll ar yr ochr dde gan fod yr unigolyn wedi cofio'r eitem honno. Yna dylai'r profwr holi:	Ateb yr unigolyn:	0  0 0 0 +1 (Gwynedd) <b>Sgôr 1/5</b>
- Ai Derri Pritchard, Harri Pritchard neu Harri Roberts oedd yr enw?	Derri Pritchard	
- Ai 37, 73 neu 76 oedd y rhif?	37	
- Oedd o ar Heol y Berllan, Stryd y Deri neu Stryd y Berllan?	Heol y Berllan Nant y Deri	
- Ai Nant y Deri, Bontgoch neu Dolgarrog oedd y lle?		

**SGÔR – Parth a Chyfanswm Sgôr yr ACE-III**

**Sgorio:** Adiwhch eitemau'r pum parth (sylw, cof, rhuglder, iaith a gweledol-ofodol) i roi Sgôr y Parthau ar gyfer yr ACE-III. Bydd Cyfanswm sgôr yr ACE-III (/100) yn cynnwys sgôr y pum parth.